

AKCIONI PLAN IMPLEMENTACIJE MOSTARSKE DEKLARACIJE

s ciljem ispunjavanja obaveza potrebnih za parafiranje i potpisivanje Sporazuma o stabilizaciji i pridruživanju

U duhu mostarske Deklaracije od 28.10.2007. godine, potpisnici ovog Plana su saglasni da preuzmu sve potrebne aktivnosti za sprovođenje svih niže navedenih tačaka i poštivanju svih naznačenih rokova.

Vođeni idejom opredjeljenja o ispunjenju uslova za provođenje reforme policije u skladu sa tri Evropska principa¹, opredijeljeni smo za:

- a) uspostavu državnih tijela za nivo BiH: Direkcija za koordinaciju policije u cilju omogućavanja efikasnijeg rada relevantnih policijskih tijela u Bosni i Hercegovini i efektivnije komunikacije na nivou Bosne i Hercegovine sa relevantnim međunarodnim institucijama; Institut za forenzička ispitivanja i vještačenja; Ustanova za školovanje i stručno usavršavanje kadrova; Agencija za policijsku podršku; Nezavisni odbor, Odbor za žalbe građana; i Odbor žalbe policijskih službenika;

Odgovarajuća pitanja odnosa između ovih i lokalnih policijskih tijela regulisaće se kroz novu i jedinstvenu policijsku strukturu BiH, na bazi tri principa Evropske komisije, a koja će biti zasnovana na odredbama Ustava BiH koji će uslijediti kroz proces ustavne reforme ;

- b) Lokalni nivo, kao dio jedinstvene policijske strukture BiH, biti će regulisan nakon reforme ustava u skladu sa tri principa Evropske komisije i Mostarskom deklaracijom, a Zakon o policijskoj službi BiH i Zakon o policijskim službenicima BiH usvojiće se najkasnije godinu dana nakon usvajanja novog Ustava BiH;

¹ Sve zakonodavne i budžetske nadležnosti za sva pitanja policije moraju se nalaziti na državnom nivou; nema političkog miješanja u operativni rad policije; funkcionalne lokalne policijske oblasti moraju se utvrditi na osnovu tehničkih kriterija za rad policije, pri čemu se operativna komanda provodi na lokalnom nivou;

- c) Potpisnici su saglasni da će na prijedlog Vijeća ministara Parlamentarna skupština BiH u roku od 6 mjeseci od dana usvajanja ovog dokumenta u Vijeću ministara BiH donijeti zakone za uspostavljanje tijela navedenih u ovom akcionom planu.


Svjesni važnosti političkog trenutka u Bosni i Hercegovini i potrebe da se što prije nastavi put integracije Bosne i Hercegovine u Evropsku uniju, potpisnici ovog Plana se obavezuju da će bez odlaganja pristupiti punoj implementaciji gore sadržanih načela.

Za HDZBiH




dr. Dragan Čović

Za HDZ1990



dr. Božo Ljubić

Za PDP




dr. Mladen Ivanic

Za SNSD




Milorad Dodik

Za SDA



Sulejman Tihić

Za SBiH



dr. Haris Silajdžić

U Sarajevu, 22. 11. 2007. godine

DEKLARACIJA

o preuzimanju obaveza za sprovođenje reforme policije s ciljem parafiranja i potpisivanja Sporazuma o stabilizaciji i pridruživanju

Potpisnici ove Deklaracije su saglasni da preuzmu sve potrebne aktivnosti za sprovođenje reforme policije u skladu sa principima Evropske unije, a koje su neophodne za nastavak procesa pridruživanja Bosne i Hercegovine Evropskoj uniji.

Saglasni smo u potpunosti i bezuslovno sa sadržajem ove Deklaracije i svim njenim pojedinačnim tačkama u niže navedenom tekstu.

I. Reforma postojećih policijskih struktura Bosne i Hercegovine sprovođiti će se u skladu sa sljedeća tri principa Evropske komisije:

1. sve zakonodavne i budžetske nadležnosti za sva pitanja policije moraju se nalaziti na državnom nivou;
2. nema političkog miješanja u operativni rad policije;
3. funkcionalne lokalne policijske oblasti moraju se utvrditi na osnovu tehničkih kriterija za rad policije, pri čemu se operativna komanda sprovodi na lokalnom nivou;

II. U skladu s tim, slažemo se i prihvatamo da:

- cjelokupna reforma ima za cilj stvaranje funkcionalne, multietničke i profesionalne policije na bazi tri principa Evropske komisije, koja će garantovati sigurnost svih građana i dobra na cijeloj teritoriji BiH
- struktura jedinstvenih policijskih snaga Bosne i Hercegovine će odgovarati ustavnoj strukturi zemlje
- nova i reformisana policijska struktura Bosne i Hercegovine će biti zasnovana na relevantnim odredbama ustava BiH koji će uslijediti kroz proces ustavne reforme

- detalji policijske strukture BiH će biti definisani kroz dva temeljna zakona: Zakon o policijskoj službi BiH i Zakon o policijskim službenicima BiH


Svjesni važnosti političkog trenutka u Bosni i Hercegovini, te potrebe da se što prije nastavi put ka evropskim integracijama, potpisnici ove Deklaracije se obavezuju da će bez odlaganja pristupiti punoj implementaciji gore sadržanih načela i principa.

Za HDZBiH



dr. Dragan Čović

Za HDZ1990




dr. Božo Ljubić

Za PDP




dr. Mladen Ivanić

Za SNSD




Milorad Dodik

Za SDA



Sulejman Tihić

Za SBiH



dr. Haris Silajdžić

U Mostaru, 28. 10. 2007. godine